

Хургъд гару уга, бооджнъгъу

Приозерн района „Приозерный“ совхозин 3-ч фермд ах хѳѳч болдж ур Киштанов Пурвѳ кѳдлджѳнѳ. Эн хавр хургълх хѳѳдин бѳѳрн-бууринь эврѳннь бригадтагѳан Пурвѳ сѳѳнѳр белддж, хургъта хѳд салу бѳѳх клеткс кев.

Ода хургълсн 131 хѳѳнас 175 хургън авгдв, эс гидж 100 хѳн болгънас 133 хургън авгдв. Хургълчксн хѳѳдин чинѳнь сѳн, хургъдан эдн цуг сѳѳнѳр теджѳцхѳнѳ.

Районас ирсн зургъан комсомолец-багъчуд Пурвѳн бригадт сакманмуд болдж кѳдлджѳцхѳнѳ. Эднѳ зѳрмнь хѳѳнд ѳмннь кѳдлѳд уга бѳѳдж, болв ах хѳѳч Пурвѳн заавр кѳцѳдж, эдн сѳѳнѳр кѳдлдж йовцхана.

—Хѳн хургълад ѳрѳл час болсна хѳѳн, хургъднъ кѳкѳлгднѳ, тиигдж экиннь уургарнь хургъинь цадхахла, хургъд чанъгъ-чиирг болна, —гидж Пурвѳ багъчудт келнѳ.

Эн сакманмуд-комсомольцнр Шарашкиев Г., Цаганов А. болн Бадмаев И. йир сѳѳнѳр кѳдлджѳцхѳнѳ. 72-та Сохуров Бадм сакман болдж, икр хѳѳдин хургъд хѳлѳнѳ. Эднѳ хѳлѳдж ѳсгджѳх хургъднъ гару уга, бооджун.

Нарт делкѳн кѳч-кѳлсчнрин сѳн ѳдр—Майин нег шиниг улм ик диилврѳртосхмн гидж эдн шундж кѳдлдж йовцхана.

МАХЛАЕВ Борис,

гурвдгч фермин зоотехник.